

**KERATAN AKHBAR-AKHBAR TEMPATAN
TARIKH: 22 MAC 2014 (SABTU)**

Bil	Tajuk	Akhbar
1.	Anak penjual nasi lemak rangkul Anugerah Tertinggi	Bernamea.com
2.	PRK Kajang: Ramal diramal cerah pagi esok	Bernamea.com
3.	Malaysia alami fenomena ekuinoks pada 29 Mac dan 15 Sept	Bernamea.com
4.	Angin kencang, laut bergelora berterusan hingga Khamis	Bernamea.com
5.	Gempa bumi kuat landa kepulauan Nicobar di India	Bernamea.com
6.	'Debris could have drifted 242km'	New Straits Times
7.	100 produk ke pasaran antarabangsa	Utusan Malaysia
8.	Angkasa, Sirim bekerjasama tingkatkan kualiti produl koperasi	Bernamea.com
9.	Fenomena hari tanpa bayang 29 Mac	Utusan Malaysia
10.	ATSB now studying images	New Straits Times



Anak Penjual Nasi Lemak Rangkul Anugerah Tertinggi

MELAKA, 22 Mac (Bernama) -- Anak seorang penjual nasi lemak, Amirul Izwan Ayub dari Sungai Buloh, Selangor, berjaya merangkul Anugerah Pengarah Politeknik pada majlis konvokesyen Politeknik Melaka ke-13 di sini hari ini.

Namun kejayaan itu tidak dapat dikongsi bersama ibunya, Zanah Siron, 60, yang kini dimasukkan ke Unit Rawatan Rapi (ICU) di Fakulti Perubatan UiTM Kampus Sungai Buloh akibat sakit jantung.

Anak muda berusia 22 tahun itu berkata hanya abangnya berkongsi kejayaannya pada majlis tersebut selepas bapanya terpaksa menjaga ibunya.

"Ibu menjual nasi lemak di kawasan perumahan kami sejak saya berumur setahun dan hasil jualan tersebut itu digunakan untuk menampung persekolahan saya sehingga ke tahap ini," kata graduan diploma Perniagaan Antarabangsa itu.

Amirul berkata ibunya menjadi sumber inspirasi bagi dirinya untuk berjaya dalam bidang pelajaran dan seterusnya bercita-cita mahu menjadi seorang ahli perniagaan yang berjaya.

Beliau kini melanjutkan pelajaran dalam jurusan Ijazah Sarjana Muda Pentadbiran Perniagaan di UiTM Merbuk, Kedah.

Seramai 482 pelajar pelbagai jurusan menerima diploma masing-masing pada majlis yang disempurnakan oleh Timbalan Menteri Sains, Teknologi dan Inovasi, Datuk Dr Abu Bakar Mohamad Diah.

-- BERNAMA



PRK Kajang: Ramal Diramal Cerah Pagi Esok

KAJANG, 22 Mac (Bernama) -- Cuaca di sekitar Kajang pada hari pengundian pilihan raya kecil (PRK) Dewan Undangan Negeri kawasan itu esok diramal cerah di sebelah pagi dengan suhu sekitar 32 darjah celsius.

Ketua Pengarah Jabatan Meteorologi Malaysia Datuk Che Gayah Ismail berkata bagaimanapun, hujan renyai-renyai diramal pada sebelah petang.

"Jika hujan pada sebelah petang, suhu diramal mencecah 25 darjah celsius, " katanya ketika dihubungi Bernama hari ini.

PRK Kajang diadakan selepas Anggota Dewan Undangan Negeri Kajang Lee Chin Cheh daripada PKR meletak jawatan pada 27 Jan lepas. Dua calon wanita, iaitu Datin Paduka Chew Mei Fun yang mewakili Barisan Nasional bakal berdepan Presiden PKR Datuk Seri Dr Wan Azizah Wan Ismail.

Esok, 38,081 pemilih biasa akan menentukan nasib calon yang bertanding, selepas 88.39 peratus atau 1,050 orang daripada 1,197 pengundi awal di kawasan itu menunaikan tanggungjawab masing-masing pada Rabu.

-- BERNAMA



Malaysia Alami Fenomena Ekuinoks pada 29 Mac dan 15 Sept

KUALA LUMPUR, 22 Mac (Bernama) -- Fenomena ekuinoks yang dijadual berlaku di Malaysia pada 29 Mac dan 15 Sept in tidak membawa kepada perubahan suhu yang mendadak di negara ini, kata **Ketua Pengarah Jabatan Meteorologi Datuk Che Gayah Ismail.**

"Mungkin ada peningkatan suhu sebanyak satu atau dua darjah celsius pada hari berlakunya ekuinoks, namun ini masih normal dan tidak memberi kesan besar secara keseluruhannya," katanya ketika dihubungi Bernama di sini.

Fenomena ekuinoks dijangka berlaku pada 1.20 tengah hari (29 Mac) dan 1.10 tengah hari (15 Sept) apabila matahari berada tepat di atas kepala pada waktu tengah hari.

"Ekuinoks tak beri kesan yang besar terhadap suhu ketika fenomena kerana perubahan suhu banyak dipengaruhi oleh pergerakan angin, hujan dan beberapa faktor lain, katanya.

Sementara sebanyak 28 kawasan di seluruh negara mencatatkan bacaan Indeks Pencemaran Udara (IPU) sederhana, manakala 24 kawasan merekodkan bacaan baik sehingga tengah hari Sabtu.

Menurut laman web Jabatan Alam Sekitar (JAS) setakat 1 tengah hari ini, antara kawasan catat IPU sederhana ialah Muar dengan bacaan 58; Alor Setar (63); Langkawi (66); Bandaraya Melaka (53); Port Dickson (87); Perai (77); Miri (57); Pelabuhan Klang (60); Petaling Jaya (55); Shah Alam (70); dan Putrajaya (59).

Antara kawasan catat IPU baik pula ialah Kota Tinggi dengan bacaan 31, Larkin Lama (42), Jerantut (37) dan Kuala Terengganu (24).

Bacaan IPU antara 0 dan 50 dikategorikan baik, 51 hingga 100 (sederhana), 101 ke 200 (tidak sihat), 201 hingga 300 (sangat tidak sihat) dan 300 ke atas sebagai bahaya.

-- BERNAMA



Angin Kencang, Laut Bergelora Berterusan Hingga Khamis

KUALA LUMPUR, 22 Mac (Bernama) -- Angin kencang dan laut bergelora (kategori pertama) di kawasan perairan Kelantan, Terengganu, Pahang, Bintulu, Mukah dan Rejang di Sarawak diramalkan bermula Ahad sehingga Khamis ini.

Menurut kenyataan **Jabatan Meteorologi Malaysia**, keadaan angin dengan kelajuan 40 hingga 50 kilometer sejam (kmsj) dan ombak mencapai ketinggian 3.5 meter itu berbahaya kepada bot-bot kecil, rekreasi laut dan sukan laut.

Menurut kenyataan itu lagi, angin kencang dan laut bergelora turut diramalkan di kawasan perairan Tioman, Reef South dan Samui.

Selain itu, angin kencang dan laut bergelora kategori kedua yang berlaku di kawasan Sabah (Pantai Barat, Kudat dan Sandakan), Wilayah Persekutuan Labuan dan Sarawak (Miri) dijangka berterusan sehingga Khamis ini.

Keadaan itu menyebabkan angin kencang antara 50 hingga 60 kmsj serta ombak setinggi 4.5 meter dan berbahaya kepada aktiviti perkapalan dan pantai termasuk menangkap ikan dan perkhidmatan feri.

-- BERNAMA

